

Sommerlager 2021 Rückblick

Sonntag:

Hüt sind d Chinder am Lagerplatz ahcho,
jetzt hämer au gnueg helfendi Händ damit alles cha
stoh. 🧱

D'Gfährte sind bi uns verbi cho
und spöter hämer no am Lagerfüür unseri Stimme
usklinge loh. 🔥



Montag:

Hüt hämmer unseri verschiedene Völker chli meh
erkundet
und de Nomidaag miteme Spielturnier abgrundet.



Dienstag:

Im Frodo sin Umhang isch verschwunde
und das scho sit mehernerne Stunde ⌚
Es enstoht e Krise
und d'Völker münd ihri Unschuld bewiese.
Plötzlich schlicht de Gollum verbii
und denn isches klar: Er isches gsii! 😞



Mittwoch:

D Rägetropfe pöpperle ufs Zält,
Und wecked uns us usere Traumwält. 💧 🍌
Fit und munter simmer mit de Gummistifel go
umeplantsche,
In de grösste Pfütze zwüsche all de Pflanze.
Mir folge im Sagmähl sine Spuure in Wald. 🌿
Dört finde mir de Ents ihri Fraue scho bald.
Mir bastel Diheime für die chline Tierli ufem Platz. 🏠
Für Biene, Chäfer und sogar de Spatz. 🐝 🐛 🐦

Donnerstag:

Im Bruchtal ahcho
Und scho isch de grossi Räge do. 🌧️
Mir kämpfed um unse Wellnesstag,
Es het Sache wo jede mag. 🧑 🧑
Doch wer het d'Gurke, s'Öl und de Quark klaut? 🥒
E neus Problem wo uns ufbraut.
Die böse Mächt sinds wieder mol gsii 😈
Und scho isch en wiitere SoLa-Tag verbii.



Freitag:

Hüt isches sowit,
Mir Leiter sind alli nümm so fit. 🤪
Drum springt die ältisti Gruppe ih,
Und d Leiter dörfed chli sünnele und sii. ✨😊
D Chinder lueged bi de Zwärge verbi.
Und lerned stark, fit und teamfähig zsii. 💪
Ou was isch denn do passiert!
Do het s Leitigsteam no en chline Streich kassiert. 😏😎




Samstag:

Nach eme ahsträgede Tag uf de Flucht,
simmer gwanderet über Bärg und durch Schlucht.
Uf em Gipfel gits en Pause, aber numme für en Stund
Nid dass s Böse uns nöcher chunnt.
Dehei laufds nid so wie gwollt,
will bim ins Bertt go en Fluets Wälle über de Platz rollt.
Schnäll packe mer unsi Sache,
so dass mer hüt s Schlöfli in de Zivilschutzahlag
chönnd mache.

Sonntag:

Nach em Unwätter vo geschter,
Stigt s Wasser uf em Platz no chli feschter 💧
Drum stoht de neuu Beschluss:
Mir gönd heime zue. 🏠
Aber das isch nid de Schluss!
Kei Angst, es isch nonig Rueh.
D Schlacht vo Mordor isch nöcher wie erwartet. ✂️
Und es schiint so, als ob sie z Rhyfælde startet.
Gstärkt mit neuer Energie,
Simmer alli vo dehei us wiiter debi.



Montag:

Gester hämmer alles fertig zämme gruunt
Unds gschafft dass de Lastwage nid
überboomt. 🚚
Jedei het öbis dezue biitreit,
Sogar d'Sunne het lang "Hallihallo" gseit. ✨
Zrug in Rhyfælde hämmer vill Unterstützig bim
uslade becho,
Do simmer mega dankbar und super froh! 😊
Die Wuche isch aber no lang nid verbi,
Morn chönnermer scho wieder alli zämme
sii. 👤👤👤

Mittwoch:

Suber, fräsch und fitter,
Goht hüt s SoLa witer. 🍌💪
Mir stelle fest mit eme grosse Schreck,
Unse heiligi Ring isch weg! 🗡️🙏
D Nazguls meined sie händ ihn klaut.
Leider hämmer ihne zu früh vertraut. 😞
Nach eme intensive Spielturnier,
Gäbed sie uns kei Ring, aber es Blatt mit Mensch
und Tier. 🐼🐱🐶
Ein vo dene isch im Bsitz vom Ring!
"Los zeige mer dene, wer isch de King!" 🗡️👑
Aber wo ahne müemmer goh?
Do stoht es Orakel vor uns do! 🇧🇪
De Zauberer hets zu uns gsändet.
Es seit dass mer de Ring z Mordor fändet.



Donnerstag:

Z Mordor simmer uf d Suechii. 🔍
Denn do sött de Ringträger sii. 🗡️
Doch wer isch es? das isch d Frog. ?
Wo no offe im Raum umme stoht.
Mir deale mit Gäld und rätsle um d Wett. 🎲
Es stellt sich use, dass de Bilbo ihn het.
Es tuet ihm ganz fest leid.
Er het ihn uns gnoh, tribe vo sim Neid.
De Ring isch zugg in unse Händ, 🗡️👑
Und morn wird er ändlich vebrändt! 🔥

Freitag:

Hüt isch de letschti Tag vom Sola do.
Mir sind alli ganz trurig aber au es bizli froh. 😞
Es bedüetet nämlich mir sind churz devor,
De Sauron z besige z Mordor! 🐱
Mir kämpfe uns durch en schwirige Parcour. 🧑🏃
Aber Achtung! D Nazguls sind wider uf de Luur. 🗡️🙏
Alli Hinderniss überwunde,
Hämmer de Sauron gfunde.
Besiegt enziehnd mir ihm alli Macht,
Und säged ihm "Guet Nacht!" 🍷🎉
D Gfährte händ uns Ffür vom Schicksalsbürg brocht. 🔥
De Ring gheie mer dri und er wird kocht. 🗡️
Zu Fiire hämmer d Eltere ihglade
Und mir tüend de Bunti Obe vortrage. 🍷🐱
Es isch uns Leiter und Leiterinne en Freud gsi
Und mir hoffe ganz fest, es sind nechst Johr alli wider debi! 😞

